



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP–1/21-3-40-016-4/22**  
Datum: **21.03.2022. godine**

«Agencija za vodno područje rijeke Save» Sarajevo rješavajući po zahtjevu Komunalnog javnog društva d.o.o. Maglaj za donošenje rješenja o vodnoj dozvoli za privremeno ispuštanje otpadnih voda iz urbanog područja općine Maglaj u rijeku Bosnu, na osnovu člana 139. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH» broj 2/98 i 48/99), donosi

### **R J E Š E N J E** **o vodnoj dozvoli**

1. Daje se vodna dozvola Komunalnom javnom društvu d.o.o. Maglaj za privremeno ispuštanje otpadnih voda iz urbanog područja općine Maglaj u rijeku Bosnu. Ova dozvola se odnosi na ukupno pet identificiranih ispusta u nsdležnosti podnosioca zahtjeva i to:
  - isпуст naselja Omerdino Polje na desnoj obali
  - isпуст glavnog kolektora Stari grad na desnoj obali
  - kišni preliv nizvodno od gradskog mosta na desnoj obali
  - isпуст glavnog kolektora užeg područja Novog grada na lijevoj obali
  - isпуст glavnog kolektora naselja Misurići na lijevoj obali
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
  - 2.1. Da se objekti koji čine kanalizacioni sistem održavaju u ispravnom i funkcionalnom stanju u skladu sa njihovom namjenom i ovim Rješenjem.
  - 2.2. Da se permanentno radi na razdvajanju postojećeg mješovitog sistema odvodnje otpadnih voda, te da se prilikom izgradnje nove kanalizacione mreže projektuje i izvodi isključivo separatan sistem odvodnje.
  - 2.3. Da se redovno vrši snimanje i kontrola stanja postojeće kanalizacione mreže. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, treba što hitnije poduzeti aktivnost da se isti priključe na postojeće glavne gradske kolektore.
  - 2.4. Da se redovno vrši održavanje korita rijeke Bosne na svim ispusnim mjestima iz glavnih gradskih kolektora.
  - 2.5. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, vrši priključenje objekata na kanalizacionu mrežu.
  - 2.6. Da se, prilikom izdavanja odobrenja za priključak na gradsku kanalizacionu mrežu, od korisnika zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa Uredbom o uslovima ispuštanja otpadnih voda u prirodne recipijente i sisteme javne kanalizacije («Službene novine Federacije BiH», broj 26/20 i 96/20).
  - 2.7. Odobrenje za priključak na kanalizacioni sistem treba da sadrži sve podatke i uslove u skladu sa članom 28. Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
  - 2.8. Da se tokom važenja ovog Rješenja vrši monitoring otpadnih voda na ispuštima glavnih gradskih kolektore definisanih tačkom 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman

otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.

- 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva na osnovu člana 64. stav 3. Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
  - 2.10. Da za vrijeme važenja ovog rješenja nadležini Općinski organ na inicijativu operatera kanalizacionog sistema donese odluku o odvodnji otpadnih voda u svemu prema odredbama člana 54. Zakona o vodama.
3. Vlasnik, odnosno korisnik objekata je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa članom 170. Zakona o vodama i članovima 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) uz redovno dostavljanje obrasca IV – Mjesečni izvještaj o količini isporučene vode i obračunu EBS te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
  4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
  5. Ispuštanje otpadnih voda u rijeku Bosnu ne smije ugrožavati postojeći hemijski i ekološki status recipijenta.
  6. Prava stečena po ovoj dozvoli ne mogu se prenositi na treća lica.
  7. U ovoj upravnoj stvari plaćene su sve upravne pristojbe.
  8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
  9. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole.
  10. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
  11. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Pravno lice, Komunalno javno društvo d.o.o. Maglaj, obratilo se ovoj Agenciji dana 24.01.2022. godine sa zahtjevom za izdavanje vodne dozvole za privremeno ispuštanje otpadnih voda iz urbanog područja općine Maglaj u rijeku Bosnu.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-21-001744 izdatog dana 24.06.2021. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 07.03.2012. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji obveznika indirektnih poreza broj: 04/1-17-1-UPJR/1-277-2/13 izdatog dana 25.03.2013. godine od strane Uprave za indirektno-neizravno oporezivanje Banja Luka,
- Punomoć zastupnika podnosioca zahtjeva broj: 01-66/21 od 18.01.2021. godine,
- Kopija Rješenja o upotrebi izgrađene kanalizacione mreže u sjevernom dijelu grada Maglaj, broj: 03/II-360-20/80 izdatog dana 30.06.1980. godine od strane nadležne službe Opštine

- Maglaj (prilog: sanitarne saglasnosti; građevinska dozvola; vodoprivredna saglasnost za fazno izvođenje kanalizacije),
- Kopija Rješenja o upotrebi izgrađene kanalizacione mreže u naselju Omerdino Polje u Maglaju broj: 03/II-360-9/87 izdatog dana 07.10.1987. godine od strane nadležne službe opštine Maglaj (prilog: sanitarne saglasnost; građevinska dozvola; vodoprivredna saglasnost),
  - Kopija Rješenja o upotrebi izgrađene I faze fekalne kanalizacije u Misurićima u Maglaju broj: 05-23-5-2708/11 izdatog dana 18.10.2011. godine od strane Službe za urbanizam, geodetske i imovinsko pravne poslove Općina Maglaj,
  - Kopija Rješenja o upotrebi izgrađene II faze fekalne kanalizacije u Misurićima u Maglaju broj: 05-23-5-1106/12 izdatog dana 25.06.2012. godine od strane Službe za urbanizam, geodetske i imovinsko pravne poslove Općina Maglaj,
  - Kopija Rješenja o upotrebi izgrađene III faze fekalne kanalizacije u Misurićima u Maglaju broj: 05-23-5-1657/13 izdatog dana 27.08.2013. godine od strane Službe za urbanizam, geodetske i imovinsko pravne poslove Općina Maglaj,
  - Glavni projekat kanalizacije za Novo naselje, Maglaj urađen od strane «Projekt» Sarajevo, (šifra: 69-H-302, februar 1971. godine) – na uvid,
  - Glavni projekat kanalizacije za Stari dio grada Maglaja urađen od strane «Projekt» Sarajevo (šifra: 74-H-302, april 1975. godine) – na uvid,
  - Glavni projekat kanalizacije Aleje narodnih heroja u Maglaju urađen od strane «Projekt» Sarajevo (šifra: 74-H-304, juni 1976. godine) – na uvid,
  - Glavni projekat kanalizacije naselja Omerdino Polje u Maglaju urađen od strane «Projekt» Sarajevo (šifra: 74-H-302, juni 1976. godine) – na uvid,
  - Glavni projekat – izvedeno stanje: Fekalna kanalizacije u naselju Misurići I faza, urađen od strane «IBIS» d.o.o. Zavidovići (broj: 22-IB-G/11, juni 2011. godine) - na uvid,
  - Kopija Izvještaja o ispitivanju (monitoring) otpadnih voda za KJD d.o.o. Maglaj za period od august 2016.- septembar 2021. godine urađeni od strane «DVOKUT PRO» d.o.o. Sarajevo,
  - Kopija Rešenja o vodnoj dozvoli broj: UP-I/25-3-40-062-3/17 izdatog dana 06.02.2017. godine od strane «Agencije za vodno područje rijeke Save» Sarajevo,
  - Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata, izvršen je obilazak predmetnih ispusta u rijeku Bosnu na području općine Maglaj te je sačinjen zapisnik o izvršenom uviđaju broj: UP-1/21-3-40-016-3/22 od 15.03.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Kanalizacioni sistem općine Maglaj ima formu kombinovanog sistema kod kojeg je veći dio urbanog područja pokriven mješovitim sistemom a naselje Misurići separatnim sistemom kanalizacije. Izvedeno je ukupno pet ispusta iz glavnih gradskih kolektora u rijeku Bosnu i to:

- ispust naselja Omerdino Polje na desnoj obali,
- ispust glavnog kolektora Stari grad na desnoj obali,
- kišni preliv nizvodno od gradskog mosta na desnoj obali,
- ispust glavnog kolektora užeg područja Novog grada na lijevoj obali,
- ispust glavnog fekalnog kolektora naselja Misurići na lijevoj obali.

Otpadne vode iz svih kolektora se ispuštaju u rijeku Bosnu bez prethodnog tretmana. Na gradsku kanalizaciju su priključeni svi objekti koji su priključeni na gradski vodovod te naselje Misurići koje se vodom snabdijeva iz sopstvenog vodovoda. Svi stambeni i javni objekti u urbanom području su priključeni na gradsku kanalizaciju. Prema evidenciji Komunalnog javnog društva d.o.o. Maglaj na kanizacionu mrežu trenutno je priključeno ukupno 2379 domaćinstava i 302 objekta (mala privreda, trgovinske i obrtničke radnje i javne ustanove), odnosno cca 10.000 stanovnika.

Kompletna kanalizacija grada Maglaja izvedena je u skladu sa predloženom projektnom dokumentacijom na koju su izdate sve potrebne saglasnosti, odobrenja i upotrebne dozvole.

Na osnovu provedenog postupka, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su u dispozitivu ovog Rješenja, propisani uslovi u skladu sa odredbama Zakona o vodama, Pravilnika o sadržaju, obliku i uvjetima i načinu izdavanja i čuvanja vodnih akata i Uredbe o uslovima ispuštanja otpadnih voda u prirodne recipijente i sisteme javne kanalizacije koji se trebaju ispoštovati u toku važenja istog.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, Komunalno javno društvo d.o.o. Maglaj, ispunio minimum uslova za izdavanje vodne dozvole za privremeno ispuštanje otpadnih voda iz urbanog područja općine Maglaj u rijeku Bosnu, te je riješeno kao u dispozitivu ovog Rješenja.

Podnosilac zahtjeva uplatio je posebne troškovi prema Zaključku ove Agencije broj: UP-1/21-3-40-016-2/22 od 11.02.2022. godine.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

#### **Uputa o pravnom lijeku:**


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.grad.

Po ovlaštenju  
Rukovodilac sektora za izdavanje vodnih  
akata



Haris Ališehović, dipl.ing.grad.

Dostaviti:

- Komunalno javno društvo d.o.o. Maglaj  
Ulica mladih br 4, 74250 Maglaj
- AVP, ISV – Vodna knjiga
- Sektor 50,
- ☉ Sektor 40, arhiva
- oglasna ploča – AVP Sava